



Polasaí Obair Bhaile

Chuir pobal Scoil Chualann, is é sin, foireann na scoile, coiste na dtuismitheoirí agus an Bord Bainistíochta an leagan leasaithe den pholasaí seo le chéile i bhfómhar na bliana 2011.

Is mian linn i Scoil Chualann cúram a dhéanamh d'fhorbairt iomlán an pháiste- forbairt intleachtúil, fhisiciúil, chultúrtha, mhórála, spioradálta, shóisialta agus mhothúcháin.

Creidimid go láidir go gcuireann obair bhaile go mór leis an bhforbairt seo agus go dtéann sé chun tairbhe don pháiste. Spreagann obair bhaile daltaí chun a bheith ag obair go neamhspleách agus chun a bheith freagrach as a gceachtanna féin.

Cabhraíonn obair bhaile leis an bpáiste mar

- Déantar daingniú ar an obair ranga.
- Tugtar deis do thuismitheoirí spéis a léiriú in obair a bpáistí
- Tugtar deis do pháistí a bheith ag obair as a stuaim féin
- Cothaítear scileanna freagrachta agus eagrúcháin sa pháiste
- Cothaítear nasc láidir idir an baile agus an scoil
- Tugtar eolas do thuismitheoirí ar cén obair atá ar siúl sa rang
- Tugtar deis dóibh freisin cabhrú lena gcuid páistí

Is é polasaí na scoile obair bhaile a thabhairt ar bhonn rialta. Cuirfear an obair bhaile in oiriúint do chaighdeán an ranga. Tugtar obair bhaile do na páistí gach lá ó Luan go Déardaoin. Uaireanta tugtar obair bhaile ag an deireadh seachtaine má cheapann an múinteoir ranga go bhfuil gá leis.

Oícheanta saor ó obair bhaile: Ó am go céile ní bhíonn ar na páistí obair bhaile a dhéanamh. Ní gá don pháiste obair bhaile scríofa a dhéanamh ar a lá breithe. Uaireanta faigheann páiste, grúpa nó rang pas obair bhaile. Tugann an pas saor obair bhaile dóibh.

Iarrtar ar thuismitheoirí an méid Gaeilge agus is féidir leo a labhairt leis na páistí sa bhaile.

Ról an tuismitheora/caomhnóra

Is faoin tuismitheoir /caomhnóir atá sé súil a choinneáil ar an bpáiste agus iad ag gabháil don obair bhaile. Tá sé rí-thábhachtach nach ndéantar an obair dóibh. Má táthar sásta le caighdeán na hoibre ba chóir an Dialann Scoile a shíniú. Sa chás go mbíonn deacrachtaí ag páiste ba chóir é sin a chur in iúl don mhúinteoir trí nóta a scríobh sa chárta obair bhaile/dialann scoile.

Tá léitheoireacht agus foghlaim de ghlanmheabhair mar chuid thábhachtach den obair bhaile.

Idirdhealú

Sa chás go bhfuil an páiste ag freastal ar ranganna thacaíocht foghlama /ranganna acmhainne tugtar tús áite don obair bhaile a fhaigheann siad ag na ranganna sin. Déanfaidh an múinteoir ranga socrú leis an bpáiste re: obair bhaile ranga.

Naíonáin	10-15 nóiméad
Ranganna 1 agus 2	20-30 nóiméad
Ranganna 3 agus 4	45 nóiméad
Ranganna 5 agus 6	1 uair

Naíonáin	10-15 nóiméad
Ní thugtar obair bhaile fhoirmeálta do na ranganna seo. Bíonn fillteán baile ag na páistí. Tugtar deis dóibh leabhair a thabhairt abhaile. Pléitear ábhar na leabhar. Tugtar ábhair nithiúla dóibh uaireanta chun coincheapa nua matamaitice a iniúchadh. Iarrtar orthu pictiúir srl. a thabhairt isteach sa rang. Cuirtear an-bhéim ar luathlitearthacht agus uimhreacht.	
Ranganna 1 agus 2	20-30 nóiméad
Beidh cárta obair bhaile ag ranganna 1 agus 2. Beidh obair na seachtaine ar na cártaí seo.	
Ranganna 3 agus 4	45 nóiméad
Beidh dialann don obair bhaile ag Ranganna 3-6.	
Ranganna 5 agus 6	1 uair

Iarrtar ar thuismitheoirí an dialann obair bhaile a shíniú gach oíche.

Déanfaidh múinteoirí seiceáil ar na dialanna obair bhaile. Beidh a chóras féin ag gach múinteoir.

Moltaí do Thuismitheoirí / Caomhnóirí

"Tús maith leath na hoibre"

Moltar:

- Am faoi Leith a shocrú don obair bhaile/*Set aside "homework time and stick to it*
- A chinntiú go bhfuil pinn luaidhe, scriosáin cóip leabhair i.e. gach atá ag teastáil ón bpáiste acu roimh ré
- A chinntiú nach bhfuil teilifís srl ar siúl sa seomra ina bhfuil an páiste ag obair
- Teorainn ama a chur leis an obair bhaile
- Nóta a chur ag an múinteoir sa chás go bhfuil deacrachtaí ag an bpáistí ag cloí leis an teorainn ama seo nó sa chás nach dtuigeann an páiste go minic céard atá le déanamh
- A iarraidh ar an bpáiste an obair bhaile a dhéanamh in athuair muna bhfuil an tuismitheoir sásta leis

Obair bhaile a cheartú

Beifear ag súil go mbeidh dúthracht agus díograis ag baint le hobair an pháiste. Tabharfar aitheantas don iarracht chomh maith leis an gnóthachtáil. Cuirfear stíleanna foghlaim il-éirime san áireamh agus obair bhaile á cheartú. Má dhéantar obair bhaile an -mhaith gheobhaidh an páiste aitheantas (greamán, marc maith, réalta) ag brath ar chóras an ranga. Muna ndéantar an obair bhaile cuirtear nóta sa dialann agus iarrtar ar an tuismitheoir an dialann a shíniú. Má leanann an fhadhb cuirfear i láthair na dtuismitheoirí í agus d'fhéadfadh go n-iarrfaí ar an bpáiste an obair a chríochnú am éigin eile m.sh. sa halla ag am lóin nó ag an deireadh seachtaine.

Cuirfear an polasaí seo i bhfeidhm láithreach.